

Фикҳ дарслари (113-дарс). Покиза тупроқ ила таяммум қилинг!



ФИҚҲ
дарслари **113-дарс**

Фикҳ дарслари
Шайх Муҳаммад Содиқ Муҳаммад Юсуф
роҳимахуллоҳнинг "Фикҳий йўналишлар ва китоблар"
ва "Кифоя-1-2-3" китоблари асосида бериб борилади.
Мавзуларнинг тўлиқ матни билан танишиш учун
китобнинг ўзига мурожаат этиш тавсия этилади.

 ISLOM.UZ

13:00 / 03.12.2020 2905

هُلِّلَ الْيَضْرَسَ أَبَعِ نَبَا نَعِيَّ اسْنَلَاوِي وَاِحْطَلَاوَةَ بَيْ شَيْبَا نَبَا كَوْرُو
ءُؤُصُوْرِيَّ عِلَّعَتْنَاوُؤَزَانَجَلَاكْتُؤُفَتْنَا تَفْحَاذِيْلَاقُؤَنَّأَامُؤَنَّع
مُّمِّيَّتَفِ

*Ибн Абу Шайба, Таҳовий ва Насоий қилган ривоятда Ибн Аббос розияллоҳу
анҳу шундай деганлар:*

**«Қачонки жаноза ўтиб кетишидан қўрқсанг ва таҳоратинг бўлмаса,
таяммум қил».**

مُّمِّيَّتَفِ ءُؤُصُوْرِيَّ عِلَّعَتْنَاوُؤَزَانَجَلَاكْتُؤُفَتْنَا تَفْحَاذِيْلَاقُؤَنَّأَامُؤَنَّع
أَاهِيَّ عِلَّعَتْنَاوُؤَزَانَجَلَاكْتُؤُفَتْنَا

Имом Байҳақий қилган ривоятда:

**«Ибн Умарга бир жаноза келтирилди. Унинг таҳорати йўқ эди.
Шунда таяммум қилиб, жаноза ўқиди»**, дейилган.

Имом Дора Қутний мазкур икки саҳобийнинг ийд намозида ҳам худди
шундай қилганларини ривоят қилган.

Энди таяммумни қандай қилишни ўрганайлик.

У икки зарбадан иборат бўлиб, бир зарба юзга масҳ тортиш учун, яна бир зарба эса икки қўлга чиғаноқлари билан қўшиб масҳ тортиш учун.

Таяммум қилмоқчи бўлган одам енгини тирсакларидан юқоригача шимаради. Икки қўлини тупроққа ёки ер жинсидан бўлган нарсага уриб, юзига суртади. Икки қўлини иккинчи марта уриб, аввал чап қўлининг кафти ила ўнг қўлини чиғаноқлари билан қўшиб масҳ қилади. Кейин ўнг қўлининг кафти ила чап қўлига чиғаноқлари билан қўшиб масҳ тортади.

Энди далилларга ўтайлик.

Аллоҳ таоло Моида сурасида:

هُنَّ مُمْكِي دِيْ اَوْ مُمْكِي وَجُوْبٌ اَوْ حَسْمٌ اَفِ ابِّي ط اَدِيْ عَصٍ اَوْ مُمْكِي تَف

«Покиза тупроқ ила таяммум қилинг. Бас, ундан юзларингизга ва қўлларингизга масҳ тортинг», деган (6-оят).

لَا اَقِفُ اِمْ لَ اِ بَصْرًا مَلَفُ تَبَنْجَ اِيْنِيْ | لَ اَقَفِ بَاطِحُ لَ اِ نَبَ رَمُعِ لَ اِ لُ جَرَّ اِ ج
تَنْ اَوْ اِنَ اِرْفَسِ ي ف اُنْ كُ ذِ اِرْ كُ دَتَ اِمَّ اُ | بَاطِحُ لَ اِ نَبَ رَمُعِ لَ اِ رَسَا ي نُبُ رَا مَّ ع
يِبَّ نَ لَ لَ كُ لَ دُ تَرْ كُ دَفُ اُ تَيْ لَ صَوُ وُ تَكَّ عَمَّ تَفَ اِنَا اِمَّ اَوْ لَ صُ تَ مَلَفَ تَنَا اِمَّ اَف
بَرَصَفَ ، اَذَكَّ هَ كَيْ فُ كَيْ نَا كَ اِمَّ نِيْ | لَ اَقَفِ مَّ لَ سَ وِ هُ لَ لَ اِ اِ لَ ص
هُ اَوْ رَ هُ يَّ فُ كُ وُ هُ هُ وُ اِمَّ وُ بَ حَ سَ مَّ مَّ ثُ اِمَّ هُ يَّ فَ حَ فَ نَ وُ صُ رَا لَ اِ اِ لَ عَ هُ يَّ فُ كُ ب
هُ سَ مَّ حُ لَ ا

«Умар ибн Хаттобнинг ҳузурига бир одам келиб:

«Мен жунуб бўлиб қолиб, сув топа олмадим», деди. Шунда Аммор ибн Ёсир Умар ибн Хаттобга:

«Эслайсанми, сен билан мен сафарда бўлган эдик. Сен намоз ўқимаган эдинг. Мен эса тупроққа юмаладим-да, намоз ўқидим. Кейин буни Набий соллаллоҳу алайҳи васалламга айтиб бердим. Набий соллаллоҳу алайҳи васаллам:

«Албатта, сенга мана бунинг ўзи кифоя қилар эди», деб, икки кафтларини ерга урдилар ва уларга пуфладилар. Сўнгра уларни

юзлари ва икки қўлларига суртдилар», деди».

Бешовлари ривоят қилишган.

Ушбу ҳадисдан жунуб одам ҳам таяммумни таҳорати йўқ одам таяммум қилгани каби қилиши кераклиги келиб чиқади.

...ер жинсидан бўлган ҳар бир пок нарсага гарчи (уларнинг) чанги бўлмаса ҳам урилади.

Уламоларимиз: «Тилла ва кумушга ўхшаш оловда эрийдиган ва юмшайдиган ҳамда куйиб кул бўладиган нарса ер жинсидан эмасдир», деганлар.

Ханафий мазҳаби бўйича, тупроққа, чангга, тошга, оҳакка, оҳактошга, сурмага таяммум қилса бўлади ва ер жинсидан бўлган бирор нарсага бир неча киши бир неча бор таяммум қилиши жоиз. Яъни таяммум қилинган нарса таҳоратдан қолган сув каби мустаъамалга айланмайди.

مَلَسَ وَهِيَ لَعْلَعُ الْجِلْدِ لَصَّصَ الْجِلْدَ لَوَسَّرَ نَأْهُ نَعَهُ الْجِلْدِ يَضَرُّهُ يَبْأَنُ عُنْ
تُرْصُنْ وَءِمْ لَكُلَّ عَمَ أَوْجُ تَطِغُ أٌ تَسْبِءِ بِنَّ أَلَا يَلَعُ تَلْضُفٌ لَأَق
تَلْسُرْ أَوْ، أَدْجَسَمَ وَ أَرُوهُ طُضْرَ أَلَا يَلْ تَلْعُجُ وَ، مِئَانَعُ لَأَلَا يَلْ تَلْخُ أَوْ، بَعْرُ لَأَب
يَذْمُرْ تَلْ أَوْ مَلْسُمُ هَ أَوْرَ، نَوِي بِنَّ لَأَلَا يَبْ تَخُ وَ، ءَفَاكٍ قُلْخُ لَأَلَا يَلْ

Абу Хурайрадан ривоят қилинади:

«Расулуллоҳ соллаллоҳу алайҳи васаллам:

«Бошқа набийлардан олти нарса ила афзал қилиндим. Менга жамловчи калом берилди. Менга душманамга қўрқинч солиш ила нусрат берилди. Менга ўлжалар ҳалол қилинди. Менга ер покловчи ва масжид қилинди. Мен ҳамма халойиққа юборилдим. Мен билан набийлар тугатилди», дедилар».

Муслим ва Термизий ривоят қилишган.

Тупроққа имкони бўлатуриб, намозни адо этиш нияти билан чангга таяммум қилса бўлади.

Яъни қўлини кўрпагами, кийимгами ёки шунга ўхшаган бошқа нарсаларгами уриб, улардан кўтарилган чангга таяммум қилса бўлади.

Ўзи ибодат бўлиб, унга таҳорат шарт бўлган амал учун таяммум қилинса, у билан намоз ўқиш дурустдир. Лекин иккисидан бири топилмаса, яъни ўзи

ибодат бўлиши ва унга поклик шарт бўлмаслиги, масалан, ўзи ибодат, лекин таҳорат шарт бўлмаган Қуръонни ёддан тиловат қилиш каби ёки ўзи ибодат эмас, лекин таҳорат шарт бўлган Қуръон ушлаш каби бўлган амал учун таяммум қилинса, у билан намоз ўқиса бўлмайди.

Таяммумнинг нияти тўғри бўлиши учун бетаҳоратликдан покланишни, намоз ўқишни ўзига мувоҳаб қилишни исташ ва таҳоратсиз адо этиб бўлмайдиган намоз, тиловат саждаси, жаноза намози каби аниқ бир ибодатни ният қилиш лозим. Агар фақат таяммумнинг ўзини ният қилинса, у билан намоз ўқиб бўлмайди. Шунингдек, масжидга кириш ёки Мусҳафни ушлаш ниятида қилинган таяммум ила намоз ўқиб бўлмайди.

Жунуб одам Қуръон қироати учун таҳорат ниятида таяммум қилса, у билан намоз ўқиса бўлади.

Бунинг далили:

Расулulloҳ соллаллоҳу алайҳи васалламнинг

«Албатта, амаллар ниятга боғлиқдир! Ҳар бир кишига ният қилган нарсаси бўлади», деган ҳадислари.

Уни вақт киришидан ва шерикдан сув сўрашдан олдин қилса ҳам дуруст бўлади.

Чунки таяммум ҳақида келган оят ва ҳадисларда вақт шарт қилинмаган.

Шерикдан сув сўраш эса бировнинг мулкини сўрашдир.

Битта таяммум ила истаганича намоз ўқийверади.

Фарзми, қазоми ёки нафлми – барибир.

Таяммумни унинг аслини (таҳорат ва ғуслни) синдирадиган нарса ва кишининг покланишга кифоя қиладиган сувга қодир бўлиши синдиради.

Яъни таҳоратни синдирувчи нарсалар таяммумни ҳам синдиради. Шу билан бирга, таяммум қилган одам покланиш учун сув ишлатиш имконини топиши билан таяммуми синади. Энди у сув билан таҳорат ёки ғусл қилиши вожиб бўлади.

Муртад бўлиши синдирмайди.

Яъни таяммум қилган одам муртад бўлиб, қайта Исломга кирса, таяммуми синмайди.

Сув топишдан умиди бор киши учун намозни охирги вақтида ўқиши мандубдир.

Чунки сув ила қилинган таҳорат афзалдир. Бу худди жамоат билан намоз ўқимоқчи бўлган одамга ўхшайди. Унга ҳам жамоат йиғилишини кутиш мақсадида намозни охирги вақтига кечиктириб ўқиш мандуб бўлади. Лекин ўта кечиктириб кароҳият вақтига тақаб юбормайди.

Агар яқин жойда сув борлигини тахмин қилса, уни бир камон ўқи етадиган масофагача қидириши вожибдир.

Камон ўқи етадиган жой энг қисқа масофадир. У 184,8 метр. Имом Косоний: «Бир милгача (1848 метргача) сув излаши керак», деганлар.

Юкида сув борлиги эсига тушиб қолса, намозни қайта ўқимайди.

Таяммум билан намоз ўқиганидан кейин юклари орасига ўзи ёки биров сув қўйгани эсига тушиб қолса имоми Аъзам ва имом Муҳаммаднинг наздида намозни қайта ўқимайди. Аммо юкига сув қўйилганидан тамоман беҳабар бўлса, намозни қайта ўқимаслигига ҳамма иттифоқ қилган.

Юкидаги сув тугаган, деган гумон билан таяммум қилган бўлса, кейин сув борлиги аён бўлса, намозни қайта ўқийди.

«Кифоя» китобидан